



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Convulsio Calvniarvm Vlrichi Veleni Minhoniensis,  
quib[us] Petru[m] nunq[uam] Romæ fuisse caullatur**

**Fisher, John**

**Antvverpiae, 1522**

Secvndae Calvniae Svmma.

**urn:nbn:de:hbz:466:1-35690**

potuisse, sed vna cum Iacobo, & quibusdam alijs Hieroso-  
 lymę mansisse, vel forte in ptibus Iudę Christū aliquādiu  
 docentem Hierosolymam tunc temporis rediisse. Et tamē  
 multorū est opinio, Hieronymo super epistolā ad Galatas  
 dicente, quod circiter decimū octauū annum post Chri-  
 sti in cœlū ascensionem id factum fuisset. Quod facillimū  
 est creditu, si quis modo seriem rerū ab Apostolis gestarū  
 diligentius examinauerit. Cui ergo maior habenda fides,  
 Lucae ne euangelistę, qui rebus ab apostolis factis vel in-  
 terfuerat ipse, vel a Paulo apostolo (cuius indiuiduus fue-  
 rat comes, & quo pręsente hanc scripserat historiam) erat  
 edoctus? An istis bellantibus mutuo historicorū, ac Theo-  
 logorū opinionibus? Quod si id necessario mihi dabitur,  
 vt Claudij primū nono, aut vndecimo imperij anno Petr⁹  
 Romā venerit, & ibidem viginti quinque annis Episcopatū  
 tenuerit, iam non a Nerone, sed Vespasiano potius marty-  
 rium passus fuisset, quod neminē adhuc vnq̄ vel dixisse,  
 vel scripsisse comperi. Et hinc manifestariū est, ad nonum  
 Claudij annū Petrum Romam venire non potuisse.

#### SECUNDÆ CALVMNIAE SVMMMA,

Actuum, xv,

**P**etrus concilio super legalibus habito Hierosolymis  
 interfuit autore Luca, cui merito credendum est magis,  
 quam historicis, & Theologis mutuo dissidentibus.  
 At hoc concilium Hieronimus circiter annum ab ascensio-  
 ne Christi decimū octauū, asserit habitū fuisse. Quod  
 si verum sit, necessario consequitur, q̄ Petrus non ante no-  
 nū annū Claudij Romam venerit. Porro si nouē illis annis,  
 adieceris, xxv. quibus Petrum aiunt sedisse Romę, iam nō  
 a Nerone, sed a Vespasiano martyrium fuisset passus, quod  
 adhuc, nemo vel dixisse, vel scripsisse compertus est.

#### RESPONSIO.